

Date – 05/02/2025**Time - 7:30 -7:40Hrs****REGIONAL NEWS BULLETIN****HEADLINES (MORNING)**

- Kolasib DC Pu Robert C. Lalhmangaiha chuan National Highway 306 & 06 thawm that hna kal mekah hna tan mai theihlohma chhan hrang hrang te tihsel a nih tawh avangin hna tan thuai beisei a ni a ti.
- Kawlkulh Group YMA chuan thuchhuah siamin an Group huamchhung Kawlkulh leh Hliappui inkar leh Kawlkulh leh Dulte inkar kawngah te Kuhva rah phur tlan an phal loh thu thuchhuah siamin an sawi.
- 3. Prime Minister Narendra Modia chuan mi rethei vaibelchhe 25 te khaichhuak turin sawrkar chuan chak takin hma a la a ti.
- Tukin dar 7 atang khan Member 70 awmna Delhi Assembly intlan vote thlak tan a ni.

<><><>

KOLASIB

Kolasib DC Pu Robert C. Lalhmangaiha chuan National Highway 306 & 06 thawm that hna kal mekah hna tan mai theihlohma chhan hrang hrang te tihsel a nih tawh avangin hna tan thuai beisei a ni a ti

Nimin khan Kolasib DC Conference Hall ah kawng chungchangah meeting neiin Kolasib DC chuan, kawng siam chhung hun a duh rei dawn avangin tun a an kawng hman mek, Mizoram chak lakluhna ber chu thawmthat a pawimawh hle a ni, a ti a. An hma lawkah ruahui a lo tla leh dawn tih sawiin, chumi hma a hna chak taka an thawh angai a ni, a ti a ni.

Kan corr report lo ngaithla ang.

Meetingah hian NHIDCL hnuaia Contractor ten an hnathawh dan tlangpui report an pe a. BR Goyal Construction company chuan Mualkhang leh Khamrang inkarakh km 4 black topping an zo tawh tih sawiin, maintenance hna hi kalpui chhunzawm zel anih thu an sawi a. He an kawng siamna ah hian Committee ngenna angin Silchar leh rampawn lam lung chang tha hman a nih thu an sawi a ni. Balaji Constructions Company pawh in Vairengte leh Bilkhawthlir inkar Black topping chu an tan tawh

tih sawiin, Vairengte -Bilkhawthlir leh Kolasib -Kawnpui inkar thawmthat hna chu kumin March ni 31 hma a an zawk theih an in beisei thu an sawi. Mizoram PWD aiawhin Pu R Lalduhthlanga, Senior EE pawh in report pe in Bilkhawthlir leh Kolasib inkar pothole leh khuar dangte hnawh mam hna chu an kalpui mek thu a sawi a. Chutiang bawkin Kawnpui leh Khamrang inkar pawh kalpui a ni, a ti a. Tuihawk luankawr leh pothole dang thenkhat siam na tur pawh estimate theh luh a ni a, hotute thu ngaihchan mek a ni, a ti bawk

. He hunah hian NGO leh JAC aiawh a lokal te pawhin thu sawiin, kawng tha neih thuai a nih theih nan sawrkar chu thawhpui zawm zel an inhuam thu an sawi a. Hemi denchhan hian kawng endik hna, monitoring an kalpui thin pawh chhunzawm nise tia rel a ni.

(Andrew Vanlalauva Akashvani News Kolasib)

<><><>

VC ELECTION PREPAREDNESS

Kumin Village Council/ Local Council inthlan lo awm tur atana Allocated Ballot Paper inthleng kualna - Exchange for Ballot Papers chu Aizawl DC Conference Hall-ah nimin khan Pu Lalmuansanga Ralte, Deputy DEO, Aizawl kaihruaina hnuai ah neih a ni.

Exchange of Ballot Paper hi distict hrang hranga election duty tur te vote thlakna tur ballot paper hman tur pekchhuah a inhlanchhawnna a ni a. Vote an thlak hnu ah ni 8 khian vote an thlak tawhna polled ballot paper chu inhlanchhawn a ni leh ang.

State Nodal Officer/ Co-ordinator Pi V. Lalmuanpuii enpuina hnuai ah exchange of ballot paper hi neih a ni.

(Corr, Chawngthanpua)

<><><>

TUIVAI BRIDGE

Chief Minister Pu Lalduhoman Mizoram leh Manipur inkal pawhna Tuivai lei dawh zawk ani chu lawmawm atih thu a sawi.

Chief Minister chuan Instagram account kaltlangin he thu hi a sawi a, sawrkarna an chan hnu Manipur lam unau harsatna tawk mek ten mamawh an thlen hmasak ber chu Tuivai lei dawh ani tih sawiin a hmunah a tlawh a, feet 200 a thui Bailey Bridge dawh turin hma an la nghal tih a sawi.

Thudawn danin Tuivai lei hi Chief Minister Pu Lalduhoma'n February ni 17-a a hawn turin ruahman a ni a, Nikum March ni 13 atanga dawh tan Tuivai lei hi dawh zawk tawh niin enchhin tawh a ni a, Lei hi a rinawm tawk em tih enchhinna atan hian Truck lian (Hyva) hman a ni a. Lei hi Ton 20 ai a rit zawhpui loh tur a ni a, PWD Department chuan hei hi zawm vek turin mipui an ngen a, ZPM Thalai chuan vawiin khan thuchhuah siamin Tuivai lei dawh zawk theih nana Sawrkar hmalakna ah an lawm thu an sawi bawk.

Tuivai lei Bailey Bridge hi Feet 200 a sei niin Mizoram a Bailey Bridge sei ber a ni a, Tuivai lei hi dawh zawh ni tawh mahse mipui hman theih a hawn a la ni lo a. Mizoram leh Manipur lam, lei bul that kawng hi siam that a la ni lo a, Manipur lam chu tunah hian siam mek a ni. Mizoram lam hi kar leh lamah hna tan tum a ni. Hei bakah hian Chief Minister-in a hawn hma chu PWD lam hian zawh an la remti tih lo a ni.

<><><>

CADC

Chakma Autonomous District Council ah BJP sorkar a piang taa, nimin khan Chief Executive Member atan Pu Molin Kumar Chakma lakluh a ni.

Lalluh inkhawm hi Chawngte ah neih a ni a, Lawngtlai Additional DC Pu Zoramsiama Hmar chuan rinawmna thu tiamtirin a lalut a ni.

CEM thar Pu Molin Chakma chuan Chakma Autonomous District Council ah BJP sorkar a piangta chu lawmawm a tih thu a sawi a, Political Party hrang hrang, Tlawmngai pawl leh ram leh hnam veitute chu Sorkar tawiawm tura sawmin, thawhhona thatak hnuaih inrelbawlna leh hmasawnna awmzenei zawk Chakma mipui ten an neih ngei a beisei thu a sawi.

Chief Executive Member thar chuan a thawhpui tur Executive Member atan mi panga, Kalasoga Chakma, Supan Chakma, Montu Chakma, Amit Bayan Chakma leh Ananta Bikash Chakma te a ruat tih a puang.

CEM lakluhna ah hian Pu Rasik Mohan Chakma, MLA, Pu K. Hrahmo, MLA, Pu M. Laikaw, Chief Executive Member, MADC; Pu. N. Viakhu, Chairman, MADC bakah hruaitu pawimawh tak tak te pawh an tel a ni.

(Lalngheta Ralte Lawngtlai PTC)

<><><>

MAMIT

Mamit District Deputy Commissioner Pu K Laltlawmløva hovin Beti Bachao Beti Padhao (BBBP) Kum sawm (10) tlin lawmna pualin, hmeichhe naupang humhim tura intiamna thu sawirualna hun nimin khan DC Office-ah hman a ni a. Hemi pual hian District Hub For Empowerment of Women, Women and Child Development te chuan Mamit khaw chhunga Sikul leh college-ah Sanitary Pad sem nghal a ni bawk a ni.

BBBP Kum 10 tlin lawmna pual hian ramchhung hmun hrang hrangah January ni 22 atanga March ni 8 chhung hian hmalakna hrang hrang neiin state leh district tin te'n hun an hmang dawn a, Mamit District-ah pawh BBBP pual hian Awareness Drive leh hmalakna hrang hrang kalpui a ni ang.

(RD Darthanauva Mamit PTC)

<><><>

KAWLKULH GROUP YMA

Khawzawl District a Kawkulh Group YMA chuan thuchhuah siamin an Group huamchhung Kawkulh leh Hliappui inkar leh Kawkulh leh Dulte inkar kawngah te Kuhva rah phur tlan an phal loh thu an sawi.

Kawkulh Group YMA thuchhuaha tarlan anih danin, Inrinni kalta khan Kawkulh Group YMA Executive Meeting neiin Kawkulh leh a chhehvel kawng te Kuhva phurtu ten an hman thin thu an sawi a, tunlai hian Kuhva rah phur motor lian leh te an tlan thin tih hriat anih thu an sawi a ni.

Kan corr report lo ngaithla ang.

VC

Kawkulh Group YMA chuan Kawkulh leh Hliappui inkar, Balaji Pvt Limited ten PMGSY III hnuiaia an thawh mek chu kawng laih hna zagh fel thawkhat a ni tawh a, hun reilo te-ah kawng chhuat phah a ni tawh dawn ni a hriat a nih avangin vantlang mipuite tana siam leh tangkai taka an hman mek chu dan phal loh thil phur te avanga chhiat mai an duh loh thu an sawi a.

Hei bakah hian Kawkulh -Puilo kawng, SASCI hnuiaia siam zagh thar te, Kawkulh Dulte inkar bypass avanga One Time Improvement tih hmabak mek te chu Kuhva rah phur motor ten an zagh chuan reilote-ah a chhe leh vat thei dawn niin an hria an ti a, hei vang hian Kuhva rah phur Motor te Kawkulh Group YMA huamchhungah tlan an phal tawh lova. Ngenna thuchhuah pawisa lova tlan lui an awm a nih chuan District thuneitute nena inbiakremna angin hma lak a ni dawn tih an tarlang a ni.

(Lalsangpuii Akashvani News Khawzawl)

<><><>

AIR NEWS ON SOCIAL MEDIA

Chanchinhar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinhar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinhar hi puan leh a ni ang.

<><><>

CANCER

Nikum chhung khan Zemabawk Cancer Hospital ah Cancer natna vei inziaklut thar mi 2000 an chuang.

Nimina khawvel puma Cancer dona Ni- World Cancer Day 2025 hmanna ah tarlan a ni a. National Health Mission hnuiaia Programme, National Programme for Prevention & Control of Cancer, Diabetes, Cardiovascular Diseases & Stroke (NPCDCS) chuan he hun hi hmangin, MINECO-ah Health & Family Welfare Dept Principal Director Dr. Vanlalsawman a hmanpui a ni.

Mizoram State Cancer Institute-in a tarlan danin kum 2023 chhung khan Cancer Hospital Zemabawk ah Cancer natna vei in register mipa leh hmeichhe belh khawm hi 2000 chuang an awm a, cancer natna vei mipa in register zingah Chawkawng cancer tam ber in, Pumpui leh Chuap cancer natna vei an tam hle bawk a. Hmeichhe cancer vei in register zingah Hnute cancer chu tam ber in, Chhul hmawr leh Chuap cancer an tam hle bawk.

MSCI Director Dr.Jeremy L.Pautu chuan bul tan tirh laite ngaihtuah chuan nasa takin Mizoram pawhin cancer enkawl kawngah hma a sawn nasa hle tawh a ti a, cancer case thar hi a ni tela a pun chhoh zel avangin MSCI pawh thuam changtlun chhoh mek zel a ni a ti. Japan international Cooperation Agency (JICA) te nen cheng vbc 732 Crore senga MSCI pawh thuam a nih thute tarlangin hei hian nakinah nasa takin Cancer enkawlna leh research neih kawngah min pui hle dawn niin a tarlang tel bawk.

He hun hmanpuitu Dr. Vanlalsawma chuan, Cancer hian mihring a khawih dan hi a inang lo a. Hei tak hi a enkawltu leh damlo chenpui te hian an hriat thiam a tul thin a. Cancer damlote hi mi bik an ni a, hriathiamna thuk tak nen duat taka enkawl a tul a. Hemi kawngah hian thawktute pawh nasa leh zual tan la turin an innge a ni” a ti.

<><><>

PRESIDENT VOTE OF THANKS

Prime Minister Narendra Modia chuan mi rethei vaibelchhe 25 te khaichhuak turin sawrkar chuan chak takin hma a la a ti. Nimina President thusawi chungchanga lawmthu sawina motion of thanks a khaikhawmnaah he thu hi sawiin PM Modia chuan heng an hlawhtlinnate hi sawrkar inpekna, theihtawpchhuahna leh taimakna avanga thleng a ni a ti .

Sawrkar scheme te zaa 100 a hlawhtlin tir a, Viksit Bharat thlen tir ngei an tum a ti a. President thusawi chuan Viksik Bharat thleng tura hmalaknaah phurna a pek thu leh mipuite tan beiseina a pek thar thu a sawi a ni.

Pu Modia chuan sawrkar sum ruahman budget-ah hmasawnna tura sum hman capital expenditure chu nasa taka tihpun niin cheng vaibelchhe nuai 11 sing 2 leh sang 1 chuang a ni a ti a. Sawrkarin eirukna tibo a, langtlang taka hna a thawh avangin sum tam tak hum a ni a. Mi naran middle class te tan sum tam zawk hmuhna tur siam sak a ni a ti bawk.

PM Modia thusawi zawh hian voice vote hmangin President thusawi chungchanga lawmthu sawina motion hi member ten an pawm a ni.

<><><>

MOBILE AND ELECTRONIC

Kum 10 kalta chhungan ramchhungah mobile leh electronic bungrua siamchhuah kawngah hmasawnna nasa tak a thleng. Uion Electronic and IT Minister Ashwini Vaishnav chuan hemi chungchang hi social media-ah tarlangin kum 2014 khan ramchhunga mobile siamchhuakna pahnih chauh a awm lain vawiinah chuan 300 chuang a awm tawh a ti a.Heng mobile siamchhuahna te hi an hlutna pawh sang

zelin cheng vaibelchhe sing 1 sang 8 leh 900 atangin cheng vaibelchhe nuai 4 sign 2 leh sang 2 ah a kai tawh a ti a. Rampawna thawnchhuah hlutna pawh cheng vaibelchhe nuai 1 sing 2 leh sang 9 a tling tawh a ti bawk. Union Minister chuan mobile phone siamna hmunah hian hna nuai 12 chuang siam than anih thu a sawi bawk a ni.

<><><>

DELHI ELECTION

Tukin dar 7 atang khan Member 70 awmna Delhi Assembly inthlan vote thlak tan a ni a. Tlai dar 6 thleng vote thlak a ni ang.

Delhi Assembly ah hian vote nei vaibelchhe 1 leh nuai 56 chuang an awm a. Tun tum inthlan hi kil thum atanga inchuh niin BJP, AAP leh Congress Party ten inthlan hi an chuh a. Candidate 699 an awm a. Candidate langsar zingah Aam Aadmi Party National convenor Arvind Kejriwal, Delhi CM Atishi, leh Delhi Minister Gopal Rai, BJP atangin Vijender Gupta, Pravesh Verma, Ramesh Bidhuri, leh Kailash Gahlot. Congress atangin Sandeep Dikshit, Haroon Yusuf leh Alka Lamba-te an tel a. Vote tla te hi Inrinniah chhiar tur a ni.

<><><>